

水

經

卷

之

一

上

《續修四庫全書》編纂委員會編

續修四庫全書

上海古籍出版社

一二六一・子部・小說家類

堅瓠集四十卷（甲集四卷乙集四卷丙集四卷丁集四卷戊集四卷己集四卷庚集四卷辛集四卷

壬集四卷癸集四卷）續集四卷廣集六卷補集六卷秘集六卷餘集四卷（戊集卷一至廣集卷六）

〔清〕褚人穫撰

21130/121

堅瓠集二

〔清〕褚人穫撰

一 刻 據
二 本 上
毫 影 海
米 印 圖
寬 原 書
一 書 館
四 版 藏
八 框 清
毫 高 叢
米 一 熙

序

間讀文文肅公吳中名賢小志其所向往與其所寄托迥然時俗之外竊歎吾吳自明盛以來學士大夫風流弘長沾溉所及不勝殘膏賸馥之慕今而得稔

序

顧

一

戊

軒褚先生先民之遺庶猶有存焉者乎稼軒素以文行爲鄉閭推重觴咏多暇讀書等身而生平寫照惟得閒多事外知足少年中二語殆欲叅諸賢中恬雅一席近纂堅瓠諸刻或莊或諧

類能觸目傲心醒貪嗔而却愁疾令閱者几案間如對直諒多聞之友其爲裨益非淺淺也因是而思稼軒之所向往與所寄托諸賢且欣然願相把臂入林者而又何說鈐書肆之足疑其

序

顧

二

戊

汗漫云

錫山年家弟顧貞觀拜識

堅瓠五集卷之一目錄

勉學歌

諭俗歌

諭俗箴

格言詩

邵許詞

四留銘

衛邵格言

真味堂

易足齋

村婦艷詩

祈雨盤局

世態炎涼

候潮詩

玉枕山詩

堅瓠集目錄卷一

道月佛力

祈雨

題松雪畫

劉改之詩詞

賦詩去位

題衛輝驛

劉海蟾歌

張躍川絕句

柳毅井

呂真人

張君壽

孟鯉詩

銀牀

仇萬頃賣詩

毛伯溫咏萍

洛陽花酒

戊

中使索詞

賞花釣魚

對句

隣馬卒

呂翁夢

張夢晉

六歲應試

貧士徵

民謠

棄舊戀新

三口

角三弄

夢宮女戲毬

遣妓詩

蝶粉蜂黃

戒好色

堅瓠集卷一

買妾行

赤壁

四威儀

隔壁笑

移基相間

八不就訣

周藩宮詞

劉庭信詞

穀靡靡

哈打打

戲言召辱

趙秉文詞

蛛網救蝶

火焚朱商

老秀才

戊

堅瓠五集卷之一

長洲石農褚人穫稼軒纂輯

勉學歌

舊傳勉學歌四章惜不載誰作其二云君
不見東鄰一出騎青驄笑我徒步真孤窮
讀書一旦登樞要前遮後擁如雲從昔時
子身今富足大蠹高牙導前陸始信出門
莫恨無人隨書中車馬多如簇其二云君

堅瓠集

卷一

戊

不見西鄰美婦巧畫眉笑我無妻誰娶之
讀書一旦高及第豪門爭許成婚期昔時
孤房今花燭孔雀屏開忻中目始信娶妻
莫恨無良媒書中有女顏如玉其三云君
不見南鄰萬頃業有餘笑我飢寒苦讀書
讀書一旦登雲路腰間紫袋懸金魚昔時
簞瓢今梁肉更是全家食天祿始信富家
不用買良田書中自有千鍾粟其四云君

不見北鄰飛字鋒雲端笑我屋漏門無閉
讀書一旦居相府便有廣厦千萬間昔時
簞簞今梁木畫棟雕甍成矣元始信安居
不用架高堂書中自有黃金屋

諭俗歌

魯文恪公鐸有諭俗歌云祖也善孫也善
該有善報全不見請君莫與天打筭此翁
記得只性緩積善之家終長遠 祖也惡

堅瓠集

卷一

戊

孫也惡該有惡報全不覺請君莫與天激
聒此翁性緩不曾錯積惡之家終滅沒
財也大產也大後來子孫禍也大借問此
理是如何子孫財多膽也大天來大事也
不怕不喪身家不肯罷 財也小產也小
後來子孫禍也小借問此理是如何子孫
無財膽也小些小生業知自保儉使儉用
也過了

論俗箴

方正學孝孺有論俗四箴李密菴先生詩
 省補一箴可翼明高皇六諭及 聖諭十
 六條子孝寬父心斯言誠爲確不患父不
 慈子賢親自樂父母天地心大小無厚薄
 虞舜口夔七瞽瞍亦允若 兄須愛其弟
 弟必恭其兄勿以纖毫利傷此骨肉情周
 公賦棠棣田氏感紫荊連枝復同氣婦言
 堅瓠集 卷一 三 戊

慎勿聽 夫以義爲良婦以順爲令和樂
 禎祥來乖戾災禍應舉案必齊眉如賓互
 相敬牝雞一晨鳴三綱何由正 損友敬
 而遠益友宜相親所交在賢德豈論富與
 貧君子淡如水歲久情愈真小人口如蜜
 轉眼如仇人 君臣義最重莫逃天地間
 手足衛腹心一體恒相閱政荒事或怠職
 曠官乃鯁一飯主恩深朝野總一般方氏

闕此箴母乃殷民頑我爲補其亡萬古重於山

格言詩

陳眉公格言詩云過去事已過去了未來
 不必預思量只今只說只今話一枕黃粱
 午夢長又不爲謀生不讀書數竿修竹是
 吾廬近來學得長生訣賣盡呆獸又賣癡
 又云留七分正經以度生留三分癡呆以
 堅瓠集 卷一 四 戊

防死。饑饉子教人養喜神止庵子教人
 去殺機能師二語其福自厚

邵許詞

邵康節聽天吟云上天生我上天死我一
 聽於天有何不可許魯齋詞云花謝花開
 時去時來福方慰眼禍已成胎得未足慕
 失未足哀得失在天敬聽天裁讀此二詩
 則躁進之心渙然冰釋矣

四留銘

存堅志王參政伯大號留耕嘗著四留銘
于座右云留有餘不盡之巧以還造化留
有餘不盡之祿以還朝廷留有餘不盡之
財以還百姓留有餘不盡之福以還子孫
貼于壁間忽一日雲霧四起霞光燭天遂
失書所在浩然齋視聽抄作馬碧梧語

衛邵格言

堅瓠集

卷一

五

戊

衛伯玉有言曰人有不及可以情恕非意
相干可以理遣吾人處世能以情恕以理
遣可以遠禍怨可以添福壽邵康節詩云
仁者難逢思有常平居慎勿恃何妨爭先
徑路機關惡退後語言滋味長爽口味多
終作疾快心事過必為殃與其病至求良
藥不若病前能自防李密庵作陳壁此詩
中示姪聯和
與伯玉之言俱當書之座右

真味堂

李屏山純甫題真味堂云問渠真味若為
言不著塩梅也自全龜鬲大夫徒染指麴
車公子枉流涎胸中已有五千卷徽外更
聽三兩絃此老清饒何所似宦情嚼蠟已
多年

易足齋

王元老題易足齋云吾愛吾廬事事幽

堅瓠集

卷一

木

戊

此生隨分得優游窮冬夜語蒲團煖長夏
朝眠竹簟秋一榻盡書間處看兩孟薄粥
飽時休紅旗黃紙非吾事老羨元龍百尺
樓

村婦艷詩

泐大師現女人身說法者附凡作村婦艷
詩云西施住盡黃金屋泥壁蓬牕獨剩儂
寄語梁間雙燕子天涯可有好房櫳

祈禱警句

碣石剩談景泰間徐州馬蘭齋孝芳爲汝寧教精舉業尤長於詩一時登科第者多出其門時太守殷文撫在郡每遇旱澇祈禱輒應以詩賀者甚衆惟蘭齋一聯擅場云禱雨雨隨天外至祈晴晴自望中開太守得詩大喜謂其係佐曰蘭齋開字韻可謂壓倒元白矣

堅瓠集

卷一

七

戊

世態炎涼

沈石田有送歸燕詩云送歸燕送歸燕秋社於今又一遍明年春社是來時隔不半年仍復見送歸燕送歸燕似把人家作郵傳來時不是慕富貴去日曾非棄貧賤口喃七尾涎涎意與主人相眷戀對語殷勤楊柳樓雙飛再四梧桐院樓中院中有賓客主人日日開高宴酒杯去手易肺肝酒

堅瓠集

卷一

八

戊

杯在手革顏面若將燕子比人情燕子年年情不變余向見其真蹟題杏花燕子上書畫俱精麗稼軒石田詩鈔不載近見碣石剩談石田又有新燕篇云今年見新燕猶似去年見主人頭髮白轉多只有烏衣不曾變年去年來不差分明記得主人家柴門大開風滿屋飛出飛入尋揚花君不見相國門前車馬塞一朝去相車馬寂車馬寂草萋七燕子還來梁棲棲二詩掩喻世態炎涼錢功甫石田集暨瞿本俱不載丘瓊山有感事詩云白髮年來也不公春風亦與世情同而今燕子如蝴蝶不入尋常矮屋中戴石屏詰燕篇有春風期汝一相顧對語茅簷慰岑寂如何今年來於我絕踪跡一食簾幕西堂間便視吾廬爲棄物棄舊恋新古今同慨

候潮詩

建文初舟山王永順字崇正狀貌魁梧未
第時遊錢塘值御史朱某泊諸司觀潮頃
王弗避拘至王意思安閒御史試以候潮
詩援筆立就云大江陳去接蓬萊萬里潮
聲兩浙開幾度夜隨明月上有時風捲雪
山頽盡船衝汛沙頭立白馬凌空海上回
我欲乘槎訪霄漢清風不擬釣魚臺有金
堅瓠集 卷十 九

玉枕山詩

陳白沙應詔道出南安太守張弼大以白
沙出山爲非是欲尼其行白沙不可製玉
臺巾詩與汝弼往復頗相譏諷白沙作玉
枕山詩云一枕秋橫碧玉新金鰲閣上見
璘珣使君得此全無用賣與江門打睡人

汝弼復之曰客囊羞澁客衣單那有黃金
買此山多少高人眠不着雞鳴催入紫宸
班白沙跋之曰東海白沙大家不睡笑殺
陳圖南也詳在玉枕山詩話中

道月佛力

金山志載岳武穆班師過金山寺禪師道
月勸之勿赴闕武穆不聽道月遺以詩云
風波亭下水滔滔千萬堅心把柁牢只恐

堅瓠集

卷一

同行人意反將身推落在深濤武穆至臨
安被賊檜誣陷繫大理獄有亭扁曰風波
始悟詩意悔不從其言武穆卒檜聞前言
遣卒何立捕道月道月方集衆說法何立
伺之道月忽說偈曰吾年四十九是非日
日有不爲自家身只爲多開口何立從南
來我往西方走不是佛力大幾乎落人手
言訖端坐而化

祈雨

有大守祈雨於龍潭得小雨而未甚應作
一絕云祈雨精神尚未通浮雲開合有無
中神龍恐我羞歸去畧酒此些表不空投
詩潭中大雨隨足○明末辛巳壬午吾蘇
亢旱當事祈禱不克默回天意早霽甘霖
滑稽者作對云妖道惡僧念退風雲雷雨
貪官污吏拜出日月斗星爲一時傳誦

堅瓠集

卷一

士

戊

題松雪畫

趙松雪孟頫以宋王孫仕元後人每題其
遺墨以寓譏諷如虞勝伯題蒼溪圖云
吳興公子玉堂仙寫出蒼溪勝輞川兩岬
一醉青山紅樹下少皞多豈無一畝種瓜
田張來儀羽題畫蘭云盈盈葉上露似欲
向人啼屈良石良題竹枝云中原日暮龍
旂遠南國春深水殷寒留得一枝烟雨裡

堅瓠集

卷一

士

戊

又隨人去報平安高季迪戲題畫馬云一
蹄天廐嗟空老立仗元來用不鳴沈石田
周云千金千里無人識笑道胡兒買去騎
又無名氏云前代王孫今閣老只畫天閑
八尺龍是可慨已松雪嘗臨宋徽宗草蟲
自題云不假丹青筆何人寫遠愁露濃時
菊晚風緊候蟲秋此可見松雪意也楊孟
載基次其韵以解云王孫老去尚風流畫
裏新詩寫淡愁莫道吳宮與梁苑露蛩烟
草一般秋又始祖命松雪作詩諷留夢炎
有往事已非那可說且將忠直報皇元句
類唐太宗之評魏徵正所以自狀也○草
木子載松雪子仲穆雅能作蘭木竹石道
士張伯雨題其墨蘭云滋蘭九畹空多種
何似墨池三兩花近日國香零落盡王孫
芳草遍天涯仲穆見而媿之遂不作蘭

劉改之詩詞

廬陵劉改之過以詩鳴江西厄於韋布放
浪荆楚間開禧乙丑過京口岳珂爲餞幕
庾吏因識焉廣漢章以初升之東陽黃幾
叔機數原王安世遇莫伯邁皆寓是邦暇
日相與據奇弔古多見於詩改之咏多景
樓曰金焦兩山相對起不盡中流大江水
一樓坐斷天中央收拾淮南數千里西風

堅瓠集

卷一

三

戊

把酒閒來遊水葉漸脫人間秋闌河景物
異南北神京不見雙淚流君不見王勃詞
華能蓋世當時未遇屠人耳翩然落托豫
章游滕王閣中悲帝子又不見李曰才思
真天人時人不省爲謫仙一朝放迹金陵
去鳳凰臺上望長安我今四海游將徧東
歷蘇杭西漢沔第一江山最上頭天地無
人獨登覽樓高意遠愁緒多樓乎樓乎奈

爾何安得李白與王勃名與此樓長宋元
詞翰俱卓犖可喜嘉泰癸亥改之在中都
時辛稼軒弄疾帥越聞其名遣介招之以
事不及行因倣辛體賦沁園春詞并緘往
其詞曰斗酒疏肩醉渡浙江豈不快哉被
香山居士約林和靖與蘇公等駕勒吾回
坡謂西湖正如西子濃抹淡妝臨照臺諸
人者都掉頭不顧只管傳杯白云天竺去

堅瓠集

卷一

南

戊

來圖書裡崢嶸樓觀開看縱橫一澗東西
水遶兩山南北高下雲堆通曰不然暗香
疎影只可孤山先探梅蓬萊閣訪稼軒未
晚且此徘徊辛得之大喜致餽數百千邀
之去館燕彌月酬倡疊七語皆似辛愈喜
垂別贈之干縉曰以是爲求田資改之歸
竟蕩子酒如崑山某氏愛之女焉未幾卒
以初來守九江以憂免至金陵亦卒

賦詩去位

馬端肅文升與劉文靖健李文正東陽謝文正遷同受孝廟顧命不三月間端肅飄然而去賦詩曰朝罷歸來惱一場暗將心事訴穹蒼東風有意開桃李鴻雁無心戀稻粱天上陰雲能蔽日地間寒氣已成霜不如安樂窩中去靜聽鶉聲叫洛陽未幾劉謝相繼去位維李獨留柄政○正德初

堅瓠集

卷一

五

戊

大臣議攻劉瑾西涯俛首不語蓋與瑾厚也後劉謝同被斥回西涯祖道戲呼劉曰當日出一語何用今日泣也又呂仲木拚被斥陸全卿完亦祖道相送陸曰公去矣予亦將行呂曰如真心去我在三十里外相候劉言可謂刀劍呂言可謂藥石

題衛輝驛壁

正德中流賊趙風子與劉六七齊彥名等

倡亂內地風子名縫霸州文安縣學生素

有英聲推以為師各有名號分二十八營

以應列宿置二金旗上書虎賁三千直抵

幽燕之地龍飛九五重開混沌之天破鹿

邑有陳翰者自稱主事偽署軍諮祭酒後

被擒過衛輝驛題詩于壁賦曰志氣

軒昂卧英魂今已休傷心兩眼淚橫一

仙轉流秦庭無有劍誅高鹿馬漢室何

堅瓠集

卷一

五

戊

無一作人問丙午野鳥空啼千古恨長江不盡難辭百年愁蓋一作西風動處吹散參寥落途客第一任魂飛到遊中夜故邱又曰碌碌男兒懶做官赤眉混戰黑羊山間來夜月敲金鐙多少英雄破膽寒攻河南時揭一榜有能擒伊王者賞及累世敵大軍者罪及三族之語解至京師皆剥皮西市

劉海蟾

碣石剩談載劉海蟾歌云余緣太歲生燕地憶昔三光分秀氣卅貫圓明霜雪心十六早登甲科第紆朱懷紫金章貴個個羅衣輕掛體如今位極掌絲綸勿憶從前春一寐昨宵家宴至五更兒女夫人併侍婢被吾伴醉撥盃盤擊碎珊瑚真玉器兒女嫌夫人惡忘却從前衣飲樂來朝朝退怒

堅瓠集

卷一

七

猶存些兒小過無推托因此事方頓悟前有輪迴誰救度辭官納印棄榮華慷慨身心求出路按海蟾姓劉名嘉謨哲渤海人十六登甲科仕金五十至相位朝退有二異人坐道傍延入談修真之術二人默然但索金錢一文雞卵十枚擲于案以雞卵累金錢上嘉謨曰危哉二人曰君身尤危何啻此卵嘉謨悟納印入終南山學道

而仙其歌意甚明白今書蓬頭跣足嘻笑之人手持三足蟾弄之曰此劉海戲蟾圖也直以劉海爲名舉世無有知其名者錄之以資博識

張躍川絕句

碣石剩談張躍川名文淵仕正郎弘治間有名士也詩文多不傳近得其四絕句云低低塵落僂僂柱小小廳堂窄窄門廣厦

堅瓠集

卷一

八

廣庭非不愛欲留約束與兒孫老去不嫌粳米粥飢來常吃菜餽飽好飯好羹非不愛欲留淡泊與兒孫來音去信常聞念嫁女婚男不出村遠眷遠親非不愛欲留近便與兒孫鑿開石竇通泉脉插種梅花入瓦盆深紫深紅非不愛欲留清白與兒孫此作法于涼以儉訓子孫之意試一玩味寧獨張氏子孫所宜守哉

柳毅井

洞庭東山有井云是當年柳毅時所鑿週迴橘樹參差月夜常見龍女與毅雙七出游天啓辛酉田子菽與王子同游酒酣賦詩云橘花垂蔭碧闌干此地曾經柳毅傳卿亦有書吾肯寄輓轡腸斷碧絲烟時林月漸明隱隱見橘樹中美人掩映若隔烟霧却前遙吟云橘花如雪曉風情迢遞閑

堅瓠集

卷一

九

戊

山春夢驚明月一天涼似水不堪重省舊時情

呂真人

呂真人一日游四明金鰲寺顧方丈蕭然有童子出問此何寥寥童曰莫道寥寥虛空也不着呂嘉其言題詩于壁云方丈有門出不鑰見個山童露雙脚問伊方丈何寂寞道是虛空也不着聞此語何欣欣

主人豈是尋常人我來謁此不得見渴心

耿耿生埃塵歸去也波浩渺路入蓬萊山杳杳相思一上石樓時雪晴海闊千峯曉

張君壽

張君壽浪游江湖八月十四夜皓月澄空忽見上流一舟如雀一老翁盪漿歌云郎提密網截江圍妾把長竿守釣磯滿載魴魚都換酒輕烟細雨又空歸君壽異之刺

堅瓠集

卷一

十

戊

舟與語翁又歌云蓼香月白醒時稀潮去潮來自不知除却醉眠無一事東西南北任風吹

孟鯉詩

宋孟鯉有詩云匆匆杯酒又天涯晴日墻東叫賣花可惜同生不同死漫隨春色去誰家蓋譏謝太后年已七十不能死難被擄北去而作也